



Broj: 03-50-18-709-4/26
Sarajevo, 26. 6. 2025.

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 06-07-2026			
Org. jed.	Broj	Priloga	Vrijednost
05/1	- 02 -	208	/ 26

ZASTUPNIČKI DOM
PARLAMENTA FEDERACIJE
BOSNE I HERCEGOVINE

Predmet: Odgovor na zastupničko pitanje, *prosljeđuje se*
Veza vaš akt broj: 05/1-02-208/26 od 20. 4. 2026.


Poštovani,

Dana 18. 6. 2026. Vijeće ministara BiH je dostavilo Parlamentarnoj skupštini Bosne i Hercegovine odgovor na zastupničko pitanje koje je postavio Admir Čavalić, zastupnik u Zastupničkom domu Parlamenta Federacije Bosne i Hercegovine.

U prilogu vam prosljeđujemo navedeni odgovor radi njegovog dostavljanja zastupniku.

S poštovanjem,

TAJNIK
ZASTUPNIČKOG DOMA
Brazhen Mustapić



SEKRETARKA
DOMA NARODA
Gordana Živković

DOSTAVLJENO:

- ☒ naslovu
- Generalnom tajništvu Vijeća ministara BiH
- a/a



Broj: 05-50-1-1207-1/26
Sarajevo, 12.06.2026. godine

 BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 18-06-2026			
Organizaciona jedinica	Klasifikaciona oznaka	Redni broj	Broj priloga
03-50-18	709-4	26	

PARLAMENTARNA SKUPŠTINA BiH

-Zastupnički dom -

Trg Bosne i Hercegovine 1
71 000 Sarajevo

PREDMET: Odgovor na zastupničko pitanje, *dostavlja se*

Veza: Akt Zastupničkog doma Parlamenta Federacije Bosne i Hercegovine
broj: 05/1-02-208/26 od 20.04.2026. godine

Poštovani,


Vijeće ministara Bosne i Hercegovine na 112. sjednici održanoj 11.06.2026. godine, na prijedlog Ministarstva vanjske trgovine i ekonomskih odnosa Bosne i Hercegovine, utvrdilo je Odgovor na zastupničko pitanje, koje je postavio Admir Čavalić, zastupnik u Zastupničkom domu Parlamenta Federacije Bosne i Hercegovine.

U prilogu proslijeđujemo Odgovor radi njegovog dostavljanja zastupniku, te vas molimo da o istom obavijestite i Generalno tajništvo Vijeća ministara Bosne i Hercegovine radi evidencije.

S poštovanjem,

Prilog: - kao u tekstu -

DOSTAVLJENO:
-naslovu
-a/a


GENERALNI TAJNIK
VIJEĆA MINISTARA BiH
mr. Robert Vidović



Bosnia and Herzegovina
COUNCIL OF MINISTERS

Broj: 05-50-1-1207-1/26
Sarajevo, 12.06.2026. godine

Admir Čavalić, poslanik u Predstavničkom domu Parlamenta Federacije Bosne i Hercegovine, postavio je sljedeća poslanička pitanja:

1. Koji je pravni osnov za zabranu uvoza proizvoda životinjskog porijekla (npr, omega suplementi, proteini, med) za fizička lica putem međunarodnih pošiljki?
2. Da li postoje planovi za izmjene pravilnika kako bi se omogućio ograničeni uvoz za lične potrebe?
3. Koliko je pošiljki vraćeno u posljednjih 12 mjeseci po ovom pitanju?

Na postavljeno pitanje, Vijeće ministara Bosne i Hercegovine je na **112. sjednici** održanoj **11.06.2026. godine**, utvrdilo sljedeći

ODGOVOR

1. Pravni osnov za postupanje nadležnih organa vrši se u skladu s Pravilnikom o kontrolama i uvjetima unošenja ličnih pošiljaka proizvoda životinjskog porijekla u Bosnu i Hercegovinu („Službeni glasnik BiH“ br 90/17), koji jasno propisuje uslove pod kojima fizička lica mogu unositi proizvode životinjskog porijekla u Bosnu i Hercegovinu putem poštanskih pošiljki.

Klasifikacija proizvoda životinjskog porijekla, uključujući dodatke prehrani koji sadrže komponente životinjskog porijekla ne vrši se proizvoljno, već na osnovu važećih propisa, kao i procjene rizika po zdravlje ljudi i životinja. U skladu sa članom 3. stav (3) navedenog Pravilnika, na lične pošiljke koje ispunjavaju propisane uslove ne primjenjuju se odredbe Pravilnika o uvjetima i načinu rada granične veterinarske inspekcije Bosne i Hercegovine („Službeni glasnik BiH“, broj 45/09), odnosno iste ne podliježu standardnoj proceduri veterinarsko-zdravstvene kontrole. Članom 20. navedenog Pravilnika („Službeni glasnik BiH“ broj 45/09) propisano je da mali paketi upućeni fizičkim licima ne moraju biti podvrgnuti veterinarskim kontrolama, pod uslovom da se ne radi o pošiljkama komercijalnog karaktera.

2. Obzirom da se ovim Pravilnikom preuzimaju odredbe sljedećih akata EU:

- a) Uredba komisije (EZ) broj 206/2009 od 5.marta 2009. o uvozu u Zajednicu ličnih pošiljaka proizvoda životinjskog porijekla te o izmjeni Uredbe (EZ) broj 136/2004;
- b) Provedbena-Uredba komisije (EU) broj 467/2013 od 16.maja 2013. o izmjeni Uredbe (EZ) broj 206/2009 o uvozu u Zajednicu ličnih pošiljaka proizvoda životinjskog porijekla u vezi s informacijama na plakatima koje moraju biti dostupne putnicima i općoj javnosti (Tekst značajan za EGP)
- c) Uredba komisije (EU) broj 519/2013 od 21.februara 2013. o prilagodbi određenih uredbi i odluka u području slobode kretanja robe, slobode kretanja lica, prava poslovnog nastana i slobode pružanja usluga, prava trgovačkih društava, politike tržišne konkurencije, poljoprivrede, bezbjednosti hrane, veterinarske i fitosanitarne politike, ribarstva, saobraćajne politike, energetike, oporezivanja, statistike, socijalne politike i zapošljavanja, zaštite okoliša, carinske unije, vanjskih odnosa te vanjske, bezbjednosne i odbrambene politike zbog pristupanja Hrvatske.

Vijeće ministara BiH, na prijedlog Ureda za veterinarstvo BiH na 115.sjednici održanoj 21.septembra 2017.godine, donijelo je Pravilnik o kontrolama i uvjetima unošenja ličnih pošiljaka proizvoda životinjskog porijekla u Bosnu i Hercegovinu („Službeni glasnik BiH“ broj 90/17)

Obzirom da se radi o propisu koji je donesen od strane Vijeća ministara i koji dozvoljava da se proizvodi životinjskog porijekla šalju putem poštanskih pošiljki, porijeklom iz zemalja članica Evropske unije, Andore, Lihtenštajna, Norveške, San Marina, Švicarske, Farskih otoka, Grenlanda, Islanda, Crne Gore, Makedonije i Srbije i to u količini od 0,5 kg

Za vašu informaciju Evropska unija ne dozvoljava unos na teritoriju Unije bilo kakvih proizvoda životinjskog porijekla poslanih putem pošte, od strane građana BiH.

Trenutno postoje planovi za izmjene navedenog pravilnika, u cilju usklađivanja pravilnika sa postojećim direktivama Europske unije.

3. Prema evidenciji koja je navedena u stavu (4) člana 6. navedenog Pravilnika, za svaku pošiljku dostavlja se informacija Uredu za veterinarstvo na jedan od navedenih načina u Aneksu VI ovog Pravilnika, a najkasnije 15 dana od dana pronalaska lične pošiljke.

Ured za veterinarstvo na osnovu podataka iz stava (4) člana 6. dostavljenih od strane službenika iz člana 1. stav (2) tačka a) ovog Pravilnika o svim ličnim pošiljkama koje su pronađene, vodi evidenciju na osnovu koje na godišnjem nivou popunjava izvještaj iz Aneksa V ovog Pravilnika najkasnije do 31.marta tekuće godine.

Na osnovu dostavljenih podataka za 2025. godinu i prava tri mjeseca 2026. godine broj vraćenih i oduzetih pošiljaka iz carinskog područja BiH, prema nama

dostavljenim podacima je: 30 pošiljki od koji je 447.8 kg mesa, 204 l mlijeka, 12.4 kg mliječnih proizvoda i 115 kg proizvoda ribarstva.